



Konferans-de-pres Prezidan Ramkalawan pa ti en kales kase

Enpe plis ki 100 zour apre ki in pran labar pei, Prezidan Ramkalawan in donn son premye konferans-de-pres e i pa'n dezapwent Seselwa. Pour plis ki 2-erdtan, Prezidan in an realite angaz li dan en konverson avok son pep ki gran mazorite Seselwa in apresye. Olye zis reponn bann kestyon, prezidan in pran letan pour espelik an detay bann topik ki konsern tou dimoun. In met bokou lanfaz lo nesosite pour koz laverite. Kon-pare avok son predeserer kot latmosfer ti tre formel, dan sa enn konferans-de-pres tou dimoun ti tre alez. Konpare avok son predeserer ki ti toultan pe refer avok son tit prezidan, Prezidan Ramkalawan pa'n servi sa mo 'prezidan' preski ditou.



Alafen sa konferans-de-pres, zournalis e piblik Seselwa ti

nepli annan nouvo kestyon obyen dout. Sa i en refleksyon

kapasite sa zonn ki annan responsabilite pei pour le mo-

man e i donn tou Seselwa gran lespwar pour lavenir.

Nou bezwen vin en nasyon travayer, pa en nasyon vilnerab



Dan Lasanble sa semenn, Minis pour Lanplwa, Mm. Patricia Francourt, in prezant en swa kler. Eski nou pou reste en nasyon dimoun vilnerab parey Parti Lepep/US in fer nou vini obyen nou pou vin en nasyon travayer.

Gouvernman LDS pe travay

lebra kase pou met loportinite travay permanent a dispozisyon Seselwa. I sanble ki lopoizisyon US li I prefere ki Seselwa I reste dan URS, dan FA4JR obyen dan welfer.

Minis Francourt in demontre ki travay I annan me fodre Seselwa I decide ki plito zot dan en travay ki dan lasistans permanent. I pou difisil. Me nou napa swa. Fodre nou koup sa lakord lonbri avok welfer e nou al dan travay. Zis lakantite travayer etranze ki I annan dan pei I ase pou montre ki I annan dekwa plas travay pour tou Seselwa ganny enn. Gouvernman pe fer zefor pou fer sa tranzisyon difisil. Nou pei napa lot swa.

Lavenir Air Sesel – plaform popilis pa pou sov nou

Seselwa in pasyonen par deba ki'n deroule lo lavenir nou lalinny eryl, Air Seychelles. Prezidan Ramkalawan ti lans sa deba dan son diskour lo Leta Lanasyon. Son lekspresyon 'Kales Kase' ti langaz for e nou pa abitye avok sa. Me size Air Seychelles in montre klerman akoz Prezidan ti'n oze servi sa term – pa pou donn nou pei en move limaz me pour nou war la realite ki nou dan bez.

Lopoizisyon US in sot lo en platform popilis e sel keksoz ki zot in kapab dir se pa les Seselwa perdi zot travay. Me per-

sonn pa pe dir Seselwa pa pou travay. Sa ki nou bezwen fer fas avok se kekfwa zot bezwen san travay. Kekfwa zot pou ganny demande pou sorti dan en panyen perse e pran en travay kot zot annan en lavenir.

Gouvernman pa anvi nou perdi Air Seychelles. Me nou bezwen gete si I annan en lavenir ou non. Restriktirasyon pa en santans lanmor obyen pinisyon lamizer pour travayer. Solisyon se ki nou rode koman nou lekonomi I devlope e anmenn plis loportinite pour tou nou sitwayen. Politik bon marse pa pou rezourd sa.

Plis minis pa vedir pli gro gouvèrnman

Ler Prezidan Ramkalawan ti deside apwent 13 minis parey konstitisyon Sesel i permet li fer, lopozisyon ti taye e kriy lasasen malgre ki prezidan ti fer kler ki i ti pou restriktir gouvèrnman pou vin pli efikas. Zot ti dir ki avek 13 minis, gouvèrnman in pli gro ki Sesel in deza annan. Zot in oule fer Seselwa krwar ki groser gouvèrnman i depan lo zis minis me ler prezidan Ramkalawan ti anons premye dan en seri mezir pou restriktir gouvèrnman, lopozisyon in kriy lasasen menm. Sa voyaz zot kriy viktimizasyon.

I annan bann sef egzekutif ki zot kontra pa'n renouvle akoz

zot produktivite pa ti a la oter; eski sa i apel viktimizasyon? Eski en gouvèrnman i la zis pou renouvle kontra tou sef egzekutif menm si zot pa produktif? Ser-tennman non. Eski i annan sef egzekutif ki'n mantènr zot dyob avek sa restritirasyon? Larepons i wi. Akoz? Larepons i senp: zot produktif. Oli problemm alor? Bann sef egzekutif i bezwen prodwir rezilta si zot oule zot kontra ganny renouvle. Koumsa i marse sa.

Prezidan Ramkalawan in osi ferm serten bord e aboli serten lorganizasyon tandis ki in enkorpor lezot anba nouvo ladministrasyon afen pour koup depans e ogmant lefik-



asite. Sa bann desizyon vedir ki leta Seselwa pour depans mwens; an dot mo, gouvèrnman pour depans mwens. An konsekans, gouvèrnman pour vin pli mens e depans mwens

larzan e alafwa pli efikas. In demonstre pou dir en pli bon repartisyon resours antre plis minister pa vedir plis depans lo gouvèrnman oubyen en pli gro gouvèrnman.

Dokter Herminie in vin rod pouvwar

Iannan bokou letan Dokter Herminie pe fer demars pour li vin sef son parti ; US. In arive fer li. Prezan i a pe viz sez prezidan dan 5-an. Pouvwar ki i oule. I swaf. Prezidan Ramkalawan in lite pour 30-an avan finalman ganny elekte koman prezidan Sesel lannen pase. Dokter Herminie i oule fer sa dan 5-an. I paret son groser pe zwe lo son lespri.

Sa gro garson i determinen pour rebatir son parti ki an pyang e rebran pouvwar egzekutif e lezislatif dan zis 5-an malgre i aksepte ki i annan divizyon dan son parti; en bonpe koze par limenm. I sitan determinen ki in fer sorti ki i pou servi tou mwayen pou fer li. Tou lendikasyon i montre pou dir Dokter i oule anmenn Seselwa lo semen; dapre li sa son drwa konstitisyonnel.

Dernyen fwa son parti ti dan lopozisyon ti plis ki 44-an pase. Zot ti napa pasyans pou espere e zot ti fer kou-deta. Avan kou-deta, apard fer lamars avek lagrev, zot ti osi

kmet bonm e dife. Dan son premye laparans piblik koman sef parti US, Dokter Herminie in koz lagrev; en menas ki i pour anmenn son siporter lo semen. I annan drwa fer sa anba lalwa me dan lape parey LDS in fer a plizyer repriz. Me eski nou kapab ekspekte US i fer parey?

Ler en lider parti i soutir enn son aktivis ki ensit vyolans, nou devret enkyet. Veronique Adeline ti servi medya sosyal pour demann solda fer rebelyon e i ti ganny arete par lapolis pour sa lofans tre serye. Eski i normal pour en dirizan politik defann en sitwayen ki ensit rebelyon dan lafors defans? Latitid sa Dokter i vreman trakasan.



Politik gratitid in fini

Rol en gouvèrnman i senp. En gouvèrnman i egziste pour garanti le meyer pour son pep. Dan en eleksyon, lepep i swazir son dirizan e donn li zot konfyans pou amelyor tou sekter zot lavi. Gouvèrnman i annan responsabilitè donn son pep meyer swen medikal, meyer ledikasyon e meyer kondisyon sosyal ki pei i kapab ofer. Bann dirizan politik i la pou travay pour zot pep. Lakonplisman en gouvèrnman i depan osi lo partisi-pasyon tou son sitwayen kot larises pei i ganny distribye dan en fason pli ekitab posib.

Sa ki annwiyan e agasan sa bann dernyen lannen se sa latitid kot politisyen US pe kontinyelman demann Seselwa pou demontre gratitid pou sa ki Sesel in akonpli ziska prezan. Zot pe kontinyelman donn lenpresyon konmkwa san zot, Seselwa pa ti pou'n akonplir otan. Sa latitid se en lensilt pour nasyon Seselwa ki'n toultan travay dir pou kree larises ki'n mal ganny zere par ladministrasyon US pour bokou lannen. Zot in oubliye pou

dir zot ti serviter lepep. Dokter Herminie i devret mazin de fwa avan i dir ki Seselwa napa gratitid. Apre tou, se lasyer Seselwa ki'n garanti ki in ganny en lapey tou sa bann lannen ki i pe travay Sesel.

Sa ki osi degoutan se lefe ki Dokter Herminie i kontinyelman demontre son laenn vizavi bann ansyen siporter US ki ozordi pe siport LDS. Dokter Herminie i ankor krwar ki Sesel ti devret annan zis en sel parti politik – par-ti US. Lefe ki siporter in dekil zot e deside siport LDS i en lendikasyon ki US in dezapwent zot. Tou Seselwa i lib pou siport en parti son swa e pa zanmen devret ganny trete koman lennmi ler i fer sa. Sa disan kot zot ti deklar zot oponan politik koman lennmi larevolisyon i ankor dan son lavenn. Apre tou, zot ti pran pei par lafors.

